

(সেই) বস্তু ← বস্তু

১৫৮
বস্তু (Image) প্রতিরূপ → গত্য

দর্শন

৯.৫. প্রতিক্রমী বস্তুবাদ বা বৈজ্ঞানিক বস্তুবাদ (Representative Realism or Scientific Realism) :

যে মতবাদে বস্তুর মন-নিরপেক্ষ অস্তিত্ব স্বীকার করা হলেও বস্তুর জ্ঞানকে 'পরোক্ষ' অর্থাৎ 'ধারণার মাধ্যমে জ্ঞান' বলা হয়, তাকে 'প্রতিক্রমী বস্তুবাদ' বা 'বৈজ্ঞানিক বস্তুবাদ' বলা হয়।

প্রতিক্রমী বস্তুবাদ বা বৈজ্ঞানিক বস্তুবাদের মূল বক্তব্যগুলি নিম্নরূপ :

১। যে জগতে আমরা বাস করি সে জগতে অসংখ্য জড়বস্তু আছে। যেমন—গাছপালা, পাহাড়-পর্বত, বাড়িঘর ইত্যাদি।

২। এইসব বস্তুর অস্তিত্ব আমাদের প্রত্যক্ষের ওপর নির্ভর করে না, আমরা প্রত্যক্ষ না করলেও তারা অস্তিত্বশীল থাকে।

৩। জ্ঞাতা ও জ্ঞেয় বস্তুর সম্পর্ক বাহ্যিক এবং সেই কারণে জ্ঞাতাকে বাদ দিয়ে জ্ঞেয় বস্তু অস্তিত্বশীল থাকে। বাহ্যিক সম্পর্কের ক্ষেত্রে সম্পর্ক ছিন্ন হলে সম্পর্কযুক্ত বিষয়ের অস্তিত্ব বিনষ্ট হয় না।

৪। বস্তুর প্রত্যক্ষজ্ঞান হয় না, পরোক্ষজ্ঞান হয়।

৫। ইন্দ্রিয়-অনুভবে সাক্ষাৎভাবে আমরা যা পাই তা বস্তু নয়, তা হল বস্তুধর্মের প্রতিক্রম। প্রতিক্রমের কারণ যে জড়বস্তু তা আমাদের প্রত্যক্ষ হয় না।

৬। প্রতিক্রমের সঙ্গে বস্তুধর্মের কখনও সাদৃশ্য থাকে, আবার কখনও সাদৃশ্য থাকে না। সাদৃশ্য থাকলে জ্ঞান সত্য হয়, না থাকলে মিথ্যা হয়।

স্পষ্টতই, প্রথম, দ্বিতীয় ও তৃতীয় বক্তব্যের ক্ষেত্রে সরল বস্তুবাদের সঙ্গে প্রতিক্রমী বস্তুবাদের কোন গরমিল নেই। বাকী তিনটি উক্তির ক্ষেত্রে উভয়ের মধ্যে পার্থক্য লক্ষ্য করা যায়। প্রকৃতপক্ষে সরল বস্তুবাদের সঙ্গে প্রতিক্রমী বস্তুবাদের মূল পার্থক্য হল—সরল বস্তুবাদ যেমন বিশ্বাস করে যে, বস্তুকে ইন্দ্রিয়ানুভাবে সরাসরি জানা যায় এবং ইন্দ্রিয়ানুভাবে আমরা যা পাই তা হল বস্তু ও বস্তুধর্ম, প্রতিক্রমী বস্তুবাদ তেমন মনে করে না। বস্তুকে সরাসরি জানি বললে, সকল প্রত্যক্ষই সঠিক হবে এবং তখন নির্ভুল প্রত্যক্ষের সঙ্গে ভ্রান্ত-প্রত্যক্ষের, অমূল-প্রত্যক্ষের, কোন পার্থক্য দেখান যাবে না। এজন্য, সঠিক-প্রত্যক্ষের সঙ্গে ভ্রান্ত-প্রত্যক্ষের পার্থক্য নির্দেশের জন্য, প্রতিক্রমী বস্তুবাদীরা বলেন যে, আমরা সরাসরি যা প্রত্যক্ষ করি তা বস্তু বা বস্তুধর্মের প্রতিক্রম বা ধারণা বা মনশ্চিত্র। সরল বস্তুবাদীরা আমাদের মনের চেতনাকে 'সন্ধানী আলোর' (search light) সঙ্গে তুলনা করেছেন, যা বস্তুরূপকে সঠিকরূপে উদ্ভাসিত করে। কিন্তু প্রতিক্রমী বস্তুবাদীরা আমাদের মনকে 'ফটো তোলা প্লেট' (plate of camra)-এর সঙ্গে তুলনা করেছেন। ফটো তোলা প্লেটের ওপর যেমন বস্তুর পরিবর্তে বস্তুর প্রতিবিম্ব পড়ে, তেমনি আমাদের মনের ওপরও বস্তুর পরিবর্তে তার প্রতিবিম্ব বা মনশ্চিত্র পড়ে। অর্থাৎ 'বস্তুর' পরিবর্তে আমরা বস্তুর প্রতিবিম্ব বা মনশ্চিত্রকেই জানি। প্রতিক্রমী বস্তুবাদীরা তাই মনে করেন, বস্তুর পরিবর্তে আমরা তার প্রতিক্রম বা প্রতিবিম্বকে জানি। এরকম বললে ভ্রম-প্রত্যক্ষ ব্যাখ্যা করা সহজ হয় ; কেননা, তখন বলা চলে—'ভ্রম-প্রত্যক্ষে প্রতিক্রমের সঙ্গে বস্তুর মিল হয় না, কিন্তু সঠিক-প্রত্যক্ষে বস্তুর সঙ্গে প্রতিক্রমের মিল হয়।'

এই মতবাদের প্রধান প্রবক্তা হলেন জন লক। লকের মতে, বস্তুর মনোনিরপেক্ষ অস্তিত্ব থাকলেও আমাদের বস্তুজ্ঞান পরোক্ষজ্ঞান। লকের এই মতবাদকে বিজ্ঞানসম্মত বস্তুবাদও বলা হয়, কেননা, তিনি তাঁর যুগের বৈজ্ঞানিক চিন্তাধারা অনুসরণ করে বস্তুর দু'প্রকার গুণের উল্লেখ করেন। যথা—মুখ্য গুণ ও গৌণ গুণ। এই মতবাদকে প্রতীকবাদ বা প্রতিকল্পী বস্তুবাদ বলার কারণ হল, এই মতে আমরা সরাসরি বস্তুকে জানি না, জানি বস্তুর ধারণা বা প্রতিকল্প। ধারণা বা প্রতিকল্প হল বস্তুর প্রতীক। জড়বস্তুর স্বতন্ত্র অস্তিত্ব থাকলেও আমরা তাকে ধারণা বা প্রতিকল্পের মাধ্যমে জানি। ধারণা বা বস্তু-প্রতিকল্পই হল আমাদের প্রত্যক্ষজ্ঞানের বিষয়। জ্ঞাতাকে 'ম' অক্ষরে, প্রত্যক্ষগোচর ধারণাকে 'ধ' অক্ষরে এবং জড়বস্তুকে 'জ' অক্ষরে প্রতীকায়িত করলে লকের মতবাদটি হয়—

ম → ধ ← জ

অর্থাৎ মন সরাসরি যা প্রত্যক্ষ করে তা হল ধারণা, বস্তু নয়। ধারণার কারণস্বরূপ জড়বস্তু থাকলেও তা আমাদের কাছে অজ্ঞাত থাকে। ধারণা বা প্রতিকল্পের সঙ্গে বাহ্যবস্তুর মিল হলে আমাদের জ্ঞান সত্য হয়, মিল না হলে জ্ঞান মিথ্যা হয়।

লক তৎকালীন বিজ্ঞানকে অনুসরণ করে বস্তুর গুণকে দু'ভাগে ভাগ করেছেন—মুখ্য গুণ ও গৌণ গুণ। মুখ্য গুণ হল বস্তুর নিজস্ব গুণ, যা কেউ প্রত্যক্ষ করুক অথবা না করুক, বস্তুর মধ্যেই থাকে। বিজ্ঞান যেসব বস্তুধর্ম নিয়ে বিশেষভাবে আলোচনা করে, যেসব ধর্মের পরিমাপ সম্ভব, সেই সব ধর্ম বা গুণ হল মুখ্য গুণ। যেমন—বিস্তার, আকার, আয়তন, গতি, ভার ইত্যাদি। বস্তুর স্বভাবেই এসব ধর্ম আছে। মুখ্য গুণ প্রতিটি জড়বস্তুর সাধারণ গুণ।

অপরপক্ষে, গৌণ গুণ বস্তুর নিজস্ব গুণ নয়। গৌণ গুণ বস্তুর ওপর যেমন নির্ভর করে, তেমনি নির্ভর করে আমাদের ইন্দ্রিয়ানুভবের ওপর। বর্ণ, গন্ধ, স্বাদ, উষ্ণতা প্রভৃতি গৌণ গুণ। গৌণ গুণের অনুভব আমাদের যেভাবে হয়, ঠিক সেভাবে তারা বস্তুতে থাকে না। বস্তুকে আমরা যখন লাল দেখি তখন বস্তুটিও যে লাল, অর্থাৎ লাল ধর্মটি যে বস্তুকে আশ্রয় করে আছে, তা নয়। চোখ না থাকলে, বর্ণ-সংবেদন না হলে, 'বর্ণ আছে'—বলা যায় না। অনুভব না হলে কোন বস্তুই রূপ-রস-গন্ধ-স্পর্শময় হয় না। লকের ভাষায়—আমাদের অনুভবের বাইরে যে জগৎ, 'তা মিষ্টি অথবা টক নয়, উজ্জ্বল অথবা অন্ধকার নয়, নিঃশব্দ অথবা শব্দিত নয়, উষ্ণ অথবা শীতল নয়।' * গুণগুণ স্বরূপত বস্তুতে থাকে

(কিন্তু গৌণ গুণ মুখ্য গুণের মতো বস্তুগত না হলেও, কল্পিতও নয়। এদের যে কোনরূপ বাস্তব ভিত্তি নেই, তা নয়। এই বাস্তব ভিত্তি হল, বস্তুর অস্তিত্বই এক অজ্ঞাত শক্তি। বস্তুর মধ্যে এক অজ্ঞাত শক্তি আছে যার বলে বস্তু আমাদের বিভিন্ন ইন্দ্রিয়কে ভিন্ন ভিন্ন ভাবে উদ্দীপিত করে ও রূপ, রস, গন্ধ, স্পর্শ ইত্যাদি গৌণ গুণের ধারণার সৃষ্টি করে। কাজেই গৌণ গুণগুলি স্বরূপে বস্তুতে না থাকলেও 'ধারণার উৎপাদক-শক্তিরূপে' তাদের বস্তুগত সত্তা আছে। তবে যেহেতু তারা স্বরূপে বস্তুতে নেই, যেহেতু তাদের প্রকৃতি ব্যক্তির অনুভবের ওপর নির্ভর করে, সে-কারণে তাদের বস্তুগত না বলে 'মনোসাপেক্ষ গুণ' বলা হয়।)*

অতএব মুখ্য গুণ ও গৌণ গুণের মধ্যে প্রধান পার্থক্য হল—মুখ্য গুণ বস্তুগত, মুখ্য গুণের ধারণার সঙ্গে বস্তুর গুণের সাদৃশ্য থাকে। জড় বস্তুতে আমরা বিস্তার ধর্মটি প্রত্যক্ষ

11 * গুণগুণ স্বরূপত বস্তুগত, গুণগুলি বস্তুর সর্বাঙ্গীন গুণ-
গুণগুণ স্বরূপত বস্তুতে থাকে না, এরা জ্ঞাতর ধর্ম নির্ভর

(৪) 'মুখ্য গুণকে বস্তু থেকে বিচ্ছিন্ন করা যায় না, কিন্তু গৌণ গুণকে বস্তু থেকে বিচ্ছিন্ন করা যায়'—লকের এই যুক্তিও অসার। বর্ণযুক্ত সুগন্ধি মাখনকে আগুনে তরল করলে, তরল পদার্থের যেমন কোন না কোন আকার থাকে, তেমনি কোন-না-কোন রংও থাকে। আবার তাতে আগের রং বা গন্ধ যেমন থাকে না, তেমনি আগের আকার ও আয়তনও থাকে না। অতএব, মুখ্য গুণের অপরিবর্তনীয়তা স্বীকার করলে গৌণ গুণের অপরিবর্তনীয়তা স্বীকার করতে হয় এবং গৌণ গুণের পরিবর্তনশীলতা উল্লেখ করলে মুখ্য গুণের পরিবর্তনশীলতারও উল্লেখ করতে হয়।

(৫) গৌণ গুণের ধারণা যেমন ইন্দ্রিয়-সংবেদনের ওপর নির্ভরশীল, মুখ্য গুণের ধারণাও তেমনি ইন্দ্রিয়-সংবেদনের ওপর নির্ভরশীল। রংয়ের ধারণা যেমন চোখের ওপর নির্ভরশীল, বস্তুর আকার-আয়তনও তেমনি চোখ, ত্বক প্রভৃতি ইন্দ্রিয়ের ওপর নির্ভরশীল। ইন্দ্রিয়সংবেদন না হলে বাহ্যজগৎ শুধু রূপ-রস-গন্ধ-স্পর্শ-শূন্য হয় না, সে জগতের কোন আকার আয়তনও থাকে না। কাজেই, লকের মুখ্য ও গৌণ গুণের মধ্যে সুস্পষ্ট কোন পার্থক্য নেই। উভয়কে একজাতীয় গুণ বলাই সম্ভব। জড়বস্তু যখন অজ্ঞাত তখন মুখ্য গুণকে 'বস্তুর গুণ' বলার কোন যুক্তি নেই। বার্কলের মতে, সব গুণই যখন অনুভবের ওপর নির্ভর করে তখন সব গুণই হল মনোসাপেক্ষ।

(৬) লকের মতে, মুখ্য গুণের ধারণার সঙ্গে বস্তুর গুণের সাদৃশ্য আছে। কিন্তু লকের একথার সঙ্গে তাঁর পূর্বকথার সঙ্গতি নেই। লকের পূর্বকথা হল—আমাদের জ্ঞান ধারণার জগতেই সীমাবদ্ধ; ধারণার বাইরে বস্তুটি কি এবং তার ধর্মই বা কি, তা আমাদের পক্ষে জানা সম্ভব নয়। এমন ক্ষেত্রে, বস্তুধর্ম যদি আমাদের অজানা বিষয় হয়, তবে তার সঙ্গে আমাদের মনের ধারণার মিল হল কি হল না—কিছুই বলা সম্ভব হয় না। মুখ্য 'গুণের ধারণাকে' (জ্ঞাত বিষয়) 'মুখ্য গুণের' (অজ্ঞাত বিষয়) সঙ্গে যখন পাশাপাশি রেখে তুলনা করা সম্ভব নয়, তখন তাদের মধ্যে সাদৃশ্য আছে অথবা নেই—কোন কিছুই বলা যায় না। 'ক' যদি অজ্ঞাত ব্যক্তি হয় তবে আমার সামনের 'খ' চিত্রটির সঙ্গে তার মিল আছে—একথা বলা চলে না।

(৭) সর্বোপরি লকের প্রতিক্রমী বস্তুবাদ বাহ্যজগতের অস্তিত্বকেই প্রতিষ্ঠা করতে পারে না। মুখ্য গুণ ও গৌণ গুণের ধারণার কারণস্বরূপ লক্ বস্তু বা জড়দ্রব্যের অস্তিত্ব স্বীকার করেছেন। কিন্তু অজ্ঞাত জড়দ্রব্য জ্ঞাত ধারণার কারণ বলে গ্রাহ্য হতে পারে না। 'ক হল খ-এর কারণ'—বলতে গেলে ক ও খ উভয়কেই জ্ঞাত বিষয় হতে হয় এবং উভয়কেই সমধর্মী হতে হয়। আমরা আগুনকে উত্তাপের কারণ বলি, কেননা আগুন ও উত্তাপ উভয়কে নিয়ত-সম্পর্কে আবদ্ধ দেখি এবং আগুন ও উত্তাপ উভয়েই জড়ধর্মী। কিন্তু ন্যায়সম্মতভাবে জড়বস্তুকে ধারণার কারণ বলতে পারি না, কেননা ধারণা জ্ঞাত বিষয় হলেও জড়দ্রব্য অজ্ঞাত, এবং ধারণা মননধর্মী ও জড়দ্রব্য অচেতনধর্মী। এমন হতে পারে যে, যাদের আমরা প্রতিক্রম বা ধারণা বলি তারাই হল আসল বস্তু, অথবা এমনও হতে পারে যে, ধারণার কারণ কোন অজ্ঞাত চেতনধর্মী পদার্থ।

আসলে, লক্ তাঁর প্রতিক্রমী বস্তুবাদে জ্ঞাতা ও জ্ঞানের বিষয়ের মধ্যে প্রতিক্রমের (ধারণার) প্রাচীর তুলে বস্তুবাদের পরিবর্তে ভাববাদের (Idealism) পথকেই প্রশস্ত

স্বপ্নবস্তু <প্রতিক্রমী> হতে

করেছেন। লক্‌ স্পষ্টভাবেই বলেছেন যে, আমাদের জ্ঞান ধারণার (প্রতিরূপের) জগতেই সীমাবদ্ধ—ধারণার বাইরে কি আছে তা আমাদের জানা সাধ্যাতীত। জ্ঞাতা ও জ্ঞানের বিষয়ের মধ্যে 'ধারণার এই কল্পিত প্রাচীর (ম→খ←জ), কাঁচের প্রাচীরের মতো যচ্ছ নয়, তা যেন এক লৌহ-যবনিকা (লোহার প্রাচীর)। লৌহ-যবনিকা স্বরূপ এই প্রতিরূপের (ধারণার) আড়াল ভেদ করে যবনিকার অন্তরালে বস্তুত কি আছে, জ্ঞাতার পক্ষে তা জানা সম্ভব নয়। এমন অভিমত প্রকাশ করার জন্য লকের প্রতিরূপী বস্তুবাদকে অনেকে 'লৌহ-যবনিকা-তত্ত্ব (iron-curtain theory) নামে চিহ্নিত করেছেন।

কাজেই, লকের প্রতিরূপী বস্তুবাদের অনিবার্য পরিণতি হল বার্কলের (Berkeley) আত্মগত ভাববাদ। মন যদি সাক্ষাৎভাবে শুধু প্রতিরূপ বা ধারণাকে জানতে পারে, তবে মনোনিরপেক্ষ বস্তুর অস্তিত্ব অস্বীকার করে একথাই বলতে হয় যে, 'কেবল ধারণাই আছে।'

৯.৭. সরল বস্তুবাদ ও প্রতিরূপী বস্তুবাদের মধ্যে তুলনামূলক আলোচনা (Distinction between Naive Realism and Representative Realism) :

সরল বস্তুবাদ ও প্রতিরূপী বস্তুবাদের মধ্যে কিছু মিল ও অমিল আছে। যেমন—

মিল : (সদৃশ্য)

(১) বস্তুবাদের প্রকাররূপে উভয়েই স্বীকার করে যে, বস্তুজগতের অস্তিত্ব মনোনিরপেক্ষ, অর্থাৎ মনের বাইরে বস্তুজগৎ আছে। যখন আমরা জানছি তখন বস্তুজগৎ আছে, আবার যখন আমরা জানছি না তখনও বস্তুজগৎ আছে। আমাদের মনের ওপর বা আমাদের জানার ওপর বস্তুজগতের অস্তিত্ব নির্ভর করে না।

(২) উভয় মতবাদে বহুত্ববাদ প্রচারিত হয়েছে। উভয় মতবাদেই বলা হয়েছে যে, আমাদের মনের বাইরে যে জগৎ সেখানে অসংখ্য বস্তু আছে। যেমন—গাছপালা, নদীনালা, পাহাড়-পর্বত, বাড়িঘর ইত্যাদি।

(৩) উভয় মতবাদে জ্ঞানীয় সম্বন্ধকে অর্থাৎ জ্ঞাতার সঙ্গে জ্ঞানের বিষয়ের সম্বন্ধকে 'বাহ্যিক সম্বন্ধ' বলা হয়েছে, যেখানে সম্বন্ধ ছিন্ন হলেও জ্ঞাতা অথবা জ্ঞানের বিষয়ের অস্তিত্ব ক্ষুণ্ণ হয় না, স্বতন্ত্রভাবে তাদের উভয়েরই অস্তিত্ব থাকে।

(৪) উভয় মতবাদেই বস্তুকে গুণবিশিষ্টরূপে গণ্য করা হয়েছে—বস্তু যেমন মনের বাইরে আছে, তেমনি সেই বস্তুতে কতকগুলি গুণও আশ্রিত হয়ে আছে।

অমিল : (বৈজ্ঞানিক)

(১) সরল বস্তুবাদ সাধারণ মানুষের সহজ সরল মতবাদ। প্রতিরূপী বস্তুবাদ বৈজ্ঞানিক চিন্তাধারার ওপর নির্ভরশীল মতবাদ।

(২) সরল বস্তুবাদ অনুসারে বস্তুর সব গুণই বস্তুতে আশ্রিত। প্রতিরূপী বা বৈজ্ঞানিক বস্তুবাদে বস্তুর দুই প্রকার গুণের উল্লেখ আছে—মুখ্য গুণ ও গৌণ গুণ। প্রতিরূপী বস্তুবাদ অনুসারে, মুখ্য গুণগুলি বস্তুতে আশ্রিত বা বস্তুগত হলেও গৌণ গুণগুলি সঠিক অর্থে বস্তুগত নয়, তারা অনেকাংশে ব্যক্তিমনের ওপর নির্ভরশীল।

(৩) সরল বস্তুবাদে বস্তুর 'প্রত্যক্ষজ্ঞান' স্বীকৃত। এই মতে, আমাদের প্রত্যক্ষ-অভিজ্ঞতায় আমরা বস্তুকে সরাসরি জানি। পক্ষান্তরে, প্রতিক্রমী বস্তুবাদে বস্তুর পরোক্ষজ্ঞান স্বীকৃত। এই মতে, বস্তুকে আমরা পরোক্ষভাবে জানি—বস্তুসৃষ্ট সংবেদন বা ধারণার মাধ্যমে জানি।

(৪) বস্তুজ্ঞানকে প্রত্যক্ষজ্ঞানরূপে গণ্য করায় সরল বস্তুবাদ অনুসারে, আমাদের অপরোক্ষ বস্তুজ্ঞান সব ক্ষেত্রেই অশ্রান্ত হয়—প্রত্যক্ষ অভিজ্ঞতায় বস্তুকে আমরা অবিকৃতরূপে জানি অর্থাৎ বস্তু যেমনটি থাকে তাকে ঠিক সেভাবেই জানি। পক্ষান্তরে, বস্তুজ্ঞানকে পরোক্ষরূপে গণ্য করায় প্রতিক্রমী বস্তুবাদ অনুসারে, জ্ঞানমাত্রই অশ্রান্ত নয়। যেখানে আমাদের প্রত্যক্ষ-অনুভবলব্ধ ধারণার সঙ্গে বস্তুর মিল হয় সেখানেই কেবল জ্ঞান সত্য হয়, আর যেখানে ঐসব ধারণার সঙ্গে বস্তুর মিল হয় না সেখানে জ্ঞান মিথ্যা হয়।

(৫) সরল বস্তুবাদ অনুসারে বস্তুজ্ঞান অপরোক্ষ হওয়ায়, গুণসমগ্ধিত বস্তুকে আমরা সরাসরি এবং অবিকৃতরূপে জানি। প্রতিক্রমী বস্তুবাদ অনুসারে বস্তুজ্ঞান পরোক্ষ হওয়ায়, আমরা সরাসরি কেবল সংবেদন বা ধারণাকেই জানি, ঐসব ধারণার কারণ যে বস্তু বা জড়দ্রব্য তাকে আমরা জানতে পারি না। প্রতিক্রমী বস্তুবাদী লক্ তাই বলেছেন, 'জড়দ্রব্য থাকলেও তা আমাদের কাছে অজ্ঞাত এবং অজ্ঞেয়।'